

THE UNIVERSITY OF CHICAGO

LIBRARY

540 EAST 57TH STREET

CHICAGO, ILL. 60637

TEL. 733-7321

1968

1969

1970

1971

1972

1973

1974

1975

1976

1977

1978

1979

1980

1981

1982

1983

1984

1985

1986

1987

1988

1989

IN FUNERE
LUDOVICI XIV.

CHRISTIANISSIMI GALLIARUM REGIS

ORATIO

Habita in Pontificio Quirinali Sacello, cùm eidem
ix. kal. Februarii parentaretur

AD SS. DOMINUM NOSTRUM

CLEMENTEM

UNDECIMUM

PONTIFICEM MAXIMUM

A VINCENTIO ALAMANNO

PATRITIO FLORENTINO

Sacri ejus Cubiculi Honorario, & Lateranensis
Ecclesiæ Canonico.



R O M Æ M D C C X V I .

Typis Jo: **MARIE** SALVIONI in Archigymnasio **SAPIENTIE .**

SUPERIORUM PERMISSO .

CLEMENTI XI. PONT. MAX.

VINCENTIUS ALAMANNUS
FELICITATEM.



Um primùm, BEATISSIME PATER, ea mihi provincia demandata est, ut in funere, quod

quod Romana Pietas LUDOVICI XIV. Francorum Regis Christianissimi memoriae, gloriaeque; SANCTITATIS TUAE jussu celebratura erat, eximias tanti Principis laudes cum lugubri caeremonia conjungerem, intellexi quidem plus mihi oneris imponi, quam ferre possem. Sed cum ab hac tua voluntate mihi liberum non esset discedere, industria quadam, & consilio imbecillitatem ingenii mei adjuvare conatus sum. Selegi enim ex ejus maximis, clarissimisque virtutibus colendae Religionis studium, unde cetera Christianae, solidaeque dignitatis ornamenta profluunt; cujusque splendor in praestantissimo Rege clarus adeò,
at-

atque illustris fuit , ut nulla orationis luce augeri queat , nullis ejusdem tenebris obscurari . Quis ergo mihi succenseat , si hoc uno reliquarum virtutum fonte in omnium oculis collocato , cæteras singillatim referre , quod sanè immensæ molis fuisset , omiserim ; aut si argumento pro sua magnitudine non satisfecerim , in quo pertractando , vel oratores disertissimi succubuiſſent ? Quamquam , ut in hujusmodi re mihi prorsus , & LUDOVICI laudibus cautum foret , Tuo , BEATISSIME PATER , exornata Nomine in lucem prodit Oratio . Hinc enim amplitudinem mutuata , regiis virtutibus haud impar haberi poterit , iisque
b vel

vel cum fœnore tantum restituit decoris , quantum Oratoris tenuitas detraxit . Nec tamen quidpiam alienum à tua voluntate gessisse puto : siquidem compertum habeo , qua humanitate eos omnes complectaris , qui studio amplificandæ Religionis incenduntur ; & qua benignitate Regem illum amplissimum hoc nomine celebrares , ac singulari , verèque paterno amore prosequereris : simul & illud intelligebam , quanta ille vicissim veneratione Te Supremum in terris Ecclesiæ Caput cole-
ret , palàm professus , se in Religionis negotio nullius operam , accuratam quamvis , & diligentem , probaturum , quæ SANCTITATI TUAE probata
bata

bata priùs non esset : sapienter existimans nulla ratione alia Orthodoxæ Fidei dignitati , & securitati consuli meliùs posse . Id me poterat duntaxat ab usurpandi Sanctissimi Tui Nominis audacia deterrere , ne scilicet dolorem tuum refricarem ; & qui pridem aures tuas mæstitiâ impleveram , nunc oculis non parcerem . Sed cùm scirem LUDOVICI jacturam hærere Tibi altiùs in pectore , quàm ut cujusquam oratione profundius infigi possit , metum omnem statim excussi , curaviq; ut ejus laudibus Tuo gloriosissimo Nomine consecratis , non parum indè splendoris ad earum immortalem gloriam accederet .

IMPRIMATUR,

Si videbitur Reverendissimo Patri Sacri Palatii Aposto-
lici Magistro.

N. Cardinalis Caracciolus Pro-vic.

IMPRIMATUR.

Fr. Gregorius Selleri Ordinis Prædicatorum, Sacri Pa-
latii Apostolici Magister.

O R A T I O.



LUDOVICUM XIV.

Francorum Regem Christianissimum, quem universa plaudente Ecclesia tanquam Coeli munus Gallia nascentem exce-

perat, humana lege nuper extinctum, acerbissime dolemus, BEATISSIME PATER. Vix enim ad nos perlato tantæ jacturæ nuntio ita subito quodam, ac inusitato dolore correpti fuimus, ut nemo nostrum non fuerit, qui LUDOVICUM extrema licet senectute confectum, ut præcoci quidem funere ereptum non conquereretur: qui Catholicæ Religionis, qui hujus S. Sedis durissimam vicem vehementer non lugeret. Hoc siquidem lethali vulnere quis non videat Orthodoxam Religionem ab illa spe magnarum rerum esse dejectam,

c

quam

quam in LUDOVICI præsidio tutissime collocaverat, Romanamque Sedem Filio charissimo orbatam, cujus amore, atque auctoritate, ingruentibus undique malis velut obfessa, fidentissime nitebatur. Quare, quum illo a nobis avulso, iis nos bonis omnibus spoliatos esse comperiamus, ad quæ speranda divinus prope ejus ortus animos nostros erexerat, quæque ipse, dum viveret, cumulatissime præstitit: nulliusque sit tanta animi vis, atque robur, ut hac ingenti calamitate non labefactetur, ac penè concidat; non est, ut aliquam dicendo, quod fieri solet, dolori vestro medicinam adhibere, vobisque clarissimi Regis desiderium lenire possim. Quæ igitur in tanta omnium Ordinum tristitia meæ partes erunt? Eæ profectò, ut cum vos nequeam ab extremo luctu deducere, salutari quodam consilio altiùs illum animis vestris infigam; quo admonente sæpius vos subeat, maneatque sempi-

piterna tanti Regis memoriâ , ut eam ,
 nunquam obducta cicatrice , immortalis
 grati animi benevolentia , lachrymisque
 prosequamini . Sic enim non hodie so-
 lùm , non in hac una suprema Religionis
 Sede , sed per omnem ætatem , ubique lo-
 corum , ut ejus decet amplitudinem , ma-
 ximaque in Christianam Rempublicam
 merita , summo Principi parentabitis .
 Quod utique facilè me arbitror conse-
 quuturum , si præstantissimis ejus virtu-
 tibus commemoratis , vobis ob oculos
 ponam , quanto ipsarum splendore uni-
 versus terrarum Orbis collustratus fuerit ;
 qua dignitate , ac præsidio , iis ob Regis
 mortem extinctis , sit destitutus . Verùm ,
 quum tantæ fuerint , ac tam illustres , ut
 quæ divisæ vel maximos Viros honestare
 possent , eæ simul omnes ad eximium Re-
 gem ornandum conspiraverint , atque ,
 adeo nequeant brevibus Orationis finibus
 contineri , multæ mihi necessariò præter-
 mit-

mittendæ sunt , justaque plurimarum querela sustinenda , qua se præteritas doleant . Itaque nihil dicam de Justitia illa admirabili , atque Prudentia , quibus tanquam ministris diutissime , ac felicissime Regnum gubernavit , atque in negotiis tum domesticis , tum externis peragendis ita se gessit , ut sibi fere omnia essententia succederent . Tacebo de Fortitudine , ac Magnanimitate , quibus in tot , iisque difficillimis bellis adeo præfulsit , ut plerumque obnoxiam sibi reddidisse Fortunam videretur . Mittam explicatum in publicis operibus , in regiis Ædibus , in omni apparatu splendorem : susceptum Disciplinarum omnium , bonarumque Artium patrocinium : longe diffita maria (Natura ipsa , penè dixerim , non tam stupente , quàm invidente) ductâ a Garumna ad Setium fossâ , conjunctâ : furorem singularium certaminum coercitum : Provincias ab injuriis Potentiorum

rum vindicatas : jura ad uberiores popu-
 lorum tranquillitatem emendata ; ne-
 que verò incredibilem ejus constantiam,
 in adversis rebus (quæ in conspectu im-
 mensæ felicitatis acriores fiunt) dicendo
 percurram , qua una, dum cæteris virtuti-
 bus reliquos vicerat , se ipse vicissè visus
 est . Totum enim ad se me rapit Religio,
 quæ tantum se quodammodo super reli-
 quas effert , quantum Deus ipse homini-
 bus antecellit,quamque aliarum omnium
 laudes complecti , nemo est , qui non in-
 telligat . Huic sive in tot florentissimi Re-
 gni sui Provinciis vindicandæ , tuendæ ,
 asserendæ : sive per omnes terrarum pla-
 gas officiis , ope , auctoritate dilatandæ ,
 protegendæ, muniendæ, eo studio , cura ,
 vigilantia semper LUDOVICUS incu-
 buit, ut jure , ac merito maximi ex omni
 temporum memoria Regis nomen adeptus
 fuerit , seque Dei immortalis mune-
 re datum nobis olim fuisse amplissimis
 d rebus

rebus gestis comprobaverit .

Dum verò de ipsa LUDOVICI Religione dicere incipio , quàm horrida mihi ante oculos obversatur Regni species a Calviniana, & Janseniana Secta miserè distracti ? Clam in Galliam irrepsérat, (ut de hoc primùm verba facere aggrediar) Calvinianum Monstrum ; sub Francisco Primo novitatis lenocinio turbulenta ingenia , ut ferme fit, occupaverat : legum contemptu , morum licentiã devinxerat : pertinaciã denique confirmaverat . Non tamen Francisco , atque altero Henrico Imperii habenas moderantibus tantas adhuc vires collegerat , ut palam cervices erigere , bellum indicere ausum fuerit . Delata deinde ex ordine ad tres Henrici Filios regnandi auctoritate , dum sæpius variat Aulæ fortuna , dissidentque inter se Procerum animi , occasionem , audacissimosque Duces adeptum e latebris erupit . Tunc enimvero , quæ sacrarum rerum ,
direp-

direptio, populorum clades, animorum tumultus? Quantam illud non minus sacrosanctis Ecclesiæ institutis, quàm florantissimo Regno vastitatem intulit? Cædem anhelans, truci vultu, furorem oculis spirans non per omnes modò Provincias, non per singulas Civitates, sed per cunctorum propemodum Lares volitavit, exorbuit civilem sanguinem, infinita exfaturavit se populorum strage. Cohorruit Gallia, cùm vidit non semel Regiam Majestatem a furentibus Hæreticorum copiis in discrimen adductam: ingemuit dejectas Aras, everfa Tempia, dirutas Urbes: lachrymis prosequuta est Sacerdotes mactatos, Sacra omnia ferro, ac flammis absumpta, Divina, Humanaque jura violata. Attamen Regibus avitæ licèt pietati addictissimis non fuit tantum roboris, ac nervorum, ut potuerint improbè Sectæ audaciam frangere, furorem extinguere. Nam quoties adversùs istam moverunt arma

Ca-

Carolus Nonus, ac Tertius Henricus, nec leviter immanem Hydram perculerunt; sed hæc postea reſectis viribus convaluit adeo, ut ab Henrico Quarto eximiæ quamvis fortitudinis Principe iniquæ conditiones ad redimendam communis otii ſecuritatem extortæ fuerint. Siquidem uno Nannetenſi Decreto centum perduellibus Urbes conceſſæ, datæ Munitiones, pecunia ad alendos Milites, atque impiæ profi- tendæ ſuperſtitionis venia confirmata. Sed cùm mitioribus remediis exaſperari potius vulnus videretur, atrociora adhibuit Ludovicus Tertiusdecimus; comparatoque exercitu, ereptis Urbibus, ac Munitionibus, exciſâque, penè inexpugnabili oppido, Rupellâ, poſt diuturnum bellum aſſulgere ſpes aliqua ſalutis viſa eſt. Verùm cum lues mortifera in medullis, ac viſceribus immenſæ multitudinis hæret, affectam Regni partem ad ſanitatem reducere nequaquam potuit; nam & ne-
faria

faria templa, ut antea, permissa, & libere suo more vivendi facultas, cogendi cœtus, virusque effundendi suum non est adempta.

Unus hoc præclarissimo triumpho honestandus erat Quartusdecimus LUDOVICUS, istoque dato eximio Ecclesiæ beneficio immortalitati commendandus. Itaque, ut olim iniquo Idolorum, cultu contaminatâ Judæâ, fœdato prophanis ritibus Templo, impiis sacrificiis Altari, solus e generosa illa Machabæorum Stirpe Judas inventus est, qui nullo commotus periculo Idola comminuerit, ex omnique Provincia exulare jussêrit superstitionem; non alius pariter, quàm LUDOVICUS deturbandâ penitùs e nobilissimo Regno Calvinianâ Hæresi superiorum Regum gloriam longo intervallo superavit. At quantâ istud sapientiâ, quantâ solertiâ, quanto animi robore, ac magnitudine ad optatum exitum perdu-

e

xit?

xit? Cum ipsi per ætatem licuit Imperii clavum per sese moderari, confestim illustres genere, disciplinis, aut scientiâ militari viros, ut se ad rectam Fidem instruendos traderent, præclaris benevolentiæ, ac munificentiæ argumentis illexit: redeuntes ad bonam frugem non modò honoribus, opibusque affecit, sed tanta excepit voluptate, ut quas illi lachrymas non, maxima Regni infortunia, non invida, & immatura morte divulsi e regio sinu tot egregia indole Principes, non ullus secundarum rerum eventus moverat, eas summum istud gaudium expresserit: Episcoporum pietatem, & vigilantiam orando, admonendoque excitavit, ut Oves a Grege aberrantes ad Ecclesiæ sinum revocarent: sacris divinarum legum Præconibus, ut per omnem obscuram licèt, ac fere inviam Regni partem veræ Fidei lucem diffunderent, imperavit; idque sedulò ab iis perfectum est, non modò propter
 infi-

insitum ipforum animis curandæ alienæ
 salutis desiderium, sed quòd exploratum
 haberent, hanc unam ineundæ a Rege,
 gratiæ rationem esse certissimam, si quis
 pro Religione operam suam impenderet.
 Hinc oppida turmatim, atque integræ
 Civitates (ut uno verbo dicam) vicies
 centena Civium millia divino Lumine,
 illustrata, deducente Regis pietate ad Ro-
 mana Clausura, unde prius avulsæ fuerant,
 convolarunt. Qua verò proborum om-
 nium gratulatione, quo plausu excepta,
 quibus etiam præmiis, ac privilegiis au-
 cta? Cum enim hujusmodi illecebris fa-
 cilè capiantur Mortalium animi, has om-
 nes potentiæ, ac beneficentiæ regalis opes
 ad bene gerendam, fovendamque Chri-
 stianam rem LUDOVICUS liberalissime
 effudit. Qui autem ad hæc non imperan-
 tis Regis, sed prope orantis monita obdu-
 rescerent, eos metu, minisque paulatim,
 concussit, honoribus exuit. In Forum in-

volaverant scelestis opinionibus quamplures imbuti? pudivit LUDOVICUM, arbitros vitæ, ac necis federe, jusque dicere in Christianissimo Regno, qui divinis Legibus non parèrent: loco movit, privatosque esse jussit. Ad amplissimos dignitatis gradus obrepserant? disjecit: primos Aulæ honores occupaverant? nullum sibi deinceps familiarem, Aulicumque voluit, qui supremo Numini rite non interviret: regiis copiis, arcibusque præerant? suæ vetuit militiæ nomen dare, qui Ecclesiæ signa deferuisset. Magna ista quidem, summisque laudibus celebranda, quæque ingentem animi firmitatem, ingenii vim, rei gerendæ sagacitatem desiderent. Quis enim est adeo præteritorum temporum oblitus, adeo rerum, ignarus, qui nesciat, quàm operosum, & quantæ molis sit, perditissimæ Sectæ homines non solum sententiis, sed voluntatibus inter se arctissime conjunctos; & proin-

proinde sic institutos, ut privatam singulorum ærumnam universæ Sectæ calamitatem esse putent, in ordinem cogere, honoribus deicere, & corroboratæ auctoritatis nervos incidere? Sed expectate longe majora; nam cum probè Rex intelligeret, ita plerumque naturâ comparatum esse, ut homines quandiu impune mali esse possunt, quandiu eorum impietati leges ipsæ patrocinantur, nunquam ab errore, in quem inducti semel fuerint, abducantur, ad immeritum hoc, & splendidum patrocinium abrogandum, quo velut armata erroris perfidia fulciebatur, animum adjecit. Sicut enim nulla sævit perniciosior lues humanis corporibus, quàm, quæ aeris, ciborumque malignitate hauritur, quibus providæ Naturæ beneficio alimur, & conservamur: sic utique Sapientissimo Regi compertum erat, nullum gravius unquam malum posse Reipublicæ accidere, quàm quod publicæ Le-

f

ges,

ges, unde omnis ducitur civilis vita, non solum invehunt, sed tuentur.

Res enimvero periculo, ac difficultatibus impedita videbatur. Quippe unusquisque prospiciebat animo, plurimos fore, qui Patriam mallent deserere, quàm iniqua dogmata: ingentes divitias extra Regni fines asportaturos: finitimas Hæreticorum gentes, & arma in Galliam conjurata imploratos: artem, vim, desperationem adhibituros, ut a proposito, Regis mentem deducerent: sic belli, atque ærarii nervos imminutum iri: sic Regni pacem, & concordiam ad pristinos bellorum civilium tumultus certissime revolvendam. Hæc aliaque id genus in hominum ore versabantur, quæ vel magnos animos conturbare, ac frangere potuissent; sed, ut saxum irati maris fluctibus verberatum, immotus stetit LUDOVICUS, ea-que vox digna Christianissimo Principe audita est: dummodo Religio salva sit,
ne-

negligendam Regni fortunam , vitam ,
 ipsam pro tam felici causa despiciendam .
 O dictum , quod animum non regium ,
 tantum , sed sacerdotalem plane demon-
 strat ; ut olim S. Leo Theodosio gratulatus
 est . Igitur , quod antea deterruerat ma-
 jores suos singulari quamvis fortitudine ,
 præditos , ipse imperterritus animo susce-
 pit , ac susceptum feliciter absolvit im-
 mortale , amplissimumque facinus , de quo
 nulla unquam ætas conticescet , quodque
 Romana Religio gratissimâ semper tanti
 facinoris memoriâ prosequetur . Anti-
 quavit Nannetenſe Decretum , cæteraque
 omnia , quæ rem Catholicam tot annos af-
 flixerant , redditaque Legibus in perduel-
 les severitate , piaculum , quod illæ sibi pri-
 dem ob impensum impiis hominibus pa-
 trocinium quodammodo contraxerant ,
 luculenter absterſit . Hinc statim Secta-
 riorum Tempora ruinis obruta , superstitionis
 Ministri exulare perpetuò jussi , nefari-
 us

rius ubique cultus interdictus , Hæresis tandem lethale germen per universam Galliam stirpitus evulsum est .

Relevata est Gallia immenso malorum pondere , & quasi ab affecta valetudine recreata . Floret modò integris Christianæ Fidei viribus, seseque penitus avito cultui restitutam exhibet accepti ab invictissimo Rege beneficii perenne , atque illustre monumentum . Interim, dum luget Hæresis sua Tempia diruta , ereptum sibi Legum munimentum , impurosque ritus omnino labefactatos, liceat nobis læto vultu LUDOVICUM intueri innumeras, aut reficere , aut a fundamentis excitare sacras Ædes : Juventuti instituendæ amplissima Seminaria constituere : ad Apostolicum Ovile redeuntibus privilegia, annua stipendia decernere : in ea totum cura defixum conspicere , ut Religionem vehementer concussam erigat , & confirmet .

Infremuit tanta clade debellata Calviniana factio, cumque injectam sibi atrocissimam plagam sanare in Gallia non posset, in proximo Majoris Britanniae Regno, quò se fere tota receperat ad ulciscendum dolorem suum nullum non lapidem movit. Exarsit enim in Jacobum Regem, LUDOVICO cum Religionis, & Affinitatis, tum etiam amicitiae vinculis conjunctissimum. Potuit e patrio illum solio deturbare, sed non ita, ut Gallorum Regem ad Amici Regis injuriam vindicandam promptum, paratumque expertum non fuerit, atque inde Britanno maximus gloriae cumulus non accesserit; nam & ipsum LUDOVICUS regiã excepit magnificentiã, & liberalissime fovit, & classibus instructis, consilio, & opibus juvit; quodque nemo satis mirari queat, nulla spe utilitatis oblata, maluit ejus partes, tutelamque non deponere, quàm longe gravissima, & praevisa rerum discrimina.

declinare: Jacobus verò ad exemplum, Christianæ fortitudinis veluti propositus, magnitudine animi tantum in adversa, fortuna sese extulit supra cæteros homines, quantum in prospera non potuisset; clariorque fuit exul in Gallia, quàm cum Britanniae populis summo cum imperio præesset.

Sed jam ad alterum Religionis hostem, qui LUDOVICI pietatem, si leviori tumultu, non leviori tamen periculo diutius exercuit Orationem convertamus. Prava scilicet Janseniani libri doctrina eò deterior in multorum mentes irrepsérat, quòd aperte insectari Divinæ scientiæ Mysteria, morumque disciplinæ nuntium remittere non videbatur, quòdque ejus Præcones pietate apud hominum vulgus simulata, famam errori suo conciliare, summis viribus enitebantur. Noverant enim hanc unam rem esse, qua Novitatis patroni quodam veluti lenocinio maximam

mam sibi comparant existimationem. Enimvero has semper artes adhibuerunt falsorum dogmatum Inventores, hisque etiam fraudibus se penè deceptos ab Ecclesiæ hostibus semper conquesti sunt clarissimi, atque doctissimi Viri: cumque suis similis, ubique & omnibus temporibus error sit, eadem principia, cursumque habeat, & iisdem progressibus augeatur; non alium pariter Jansenianæ Novitatis magistri sibi aditum ad ferendum errorem, aperuerunt, non aliam agendi rationem secuti sunt, ut vetustæ Religionis decus, & integritatem excinderent. Nam parta sibi primùm ex acri ingenio, atque nonnulla eruditione, quadam sapientiæ laude, ab ea, quam erant Majores nostri viam ingressi, discedere, ab illaque sanæ doctrinæ norma, quam iidem sapientissime constituerant, deflectere paulatim cœperunt; quibus deinde gradibus eò brevi devenire, ut sibi licere audacissime arbitrarentur,

facras

sacras literas in alienos, falsosque sensus
 detorquere, placita Conciliorum, vete-
 rumque Patrum sententias contortis, &
 insidiosis sophismatibus eludere, certissi-
 maque Sanctæ hujus Sedis Oracula, aut
 nequiter enervare, aut etiam impudenter
 infringere. Nihil vobis affero inauditum,
 aut novum; nihil, quod ex eorum libris
 perspicue non eruatur; quod in maxima
 hominum luce, & in totius potissimum
 Galliæ conspectu positum non fuerit.
 Nec tantum illi pestiferæ doctrinæ Duces
 ad rem Catholicam turbandam vires,
 fraudesque suas contulerunt; sed eandem
 causam mordicus plures ignari, ac rudes
 homines amplexi sunt, qui aut præpostera
 illorum existimatione decepti, aut nova-
 rum rerum illecebris, seu etiam spe fortu-
 næ melioris excitati, sacrâ scientiâ non
 minus arroganter, quàm impie abusi sunt.

Quas utique turbas hujusmodi Mor-
 talium genus non commovit in Gallia, &
 quot

quot præterea non commovisset, quibusque mortiferæ doctrinæ flammis Christianissimum Regnum non conflagraisset, nisi LUDOVICUS incendium Calviniano haud impar, admota manu valide compressisset? Quid enim? Ubi de novis Jansenii, ejusque gregalium opinionibus rumor percrebuit, an non eas ad supremum hoc Orthodoxæ Fidei Tribunal deferendas curavit, paratus de ipsis judicium sequi, quod Petrus per Romanum Pontificem pronuntiasset? An non saluberrimam Innocentii X. sanctionem, qua penitus everſæ fuerant, incredibili veneratione, complexus est, & regalis Brachii robore confirmavit? quod si nonnulli Hæreticorum morem sequuti effugiis, doloque, malo concussam tanto præjudicio causam retinere adhuc posse sibi persuadere, quàm pie, & prudenter laboravit, ut summus Ecclesiæ Judex, & Magister tesseram Fidelibus daret, qua probi a male sentien-

h

tibus

tibus dignoscerentur , ac repetitis ictibus inquietam errandi licentiam non modò compefceret , fed omnino contunderet . Quoniam verò ea vis ineft Principum , exemplis , ut plures imitatores habeant , dici non poteft , quibus inde ftimulis excitare feſe ſenſerint Gallicani Antiftites , ut ad extirpandum peſſimum erroris germen omnes Paſtoralis vigilantia nervos contenderent . Aderat illis Rex , & aſſidua , cohortatione nunquam illos urgere ceſſabat , novis ſemper ſubſidiis inſtruere , & confirmare . Profectò ſi velimus omnia , recensere , quæ a LUDOVICO ad hanc obtinendam rem adeo ſalutarem præclariffime geſta ſunt , nihil eſt , quod ad immortale ſui nominis decus ſplendidiùs unquam præſtare potuerit . Conſulite , quotquot in Gallia ſunt ſupremorum Senatum codices : quæ leges ab ipſo editæ non ſtatim in omnium oculis erunt , quibus reluctantes ſanctiſſimis hujusmodi

De-

Decretis, inflictis poenis coercerentur? Evolvite Acta Cleri Gallicani: nulla fere pagina LUDOVICUM aut Janseniani, praviq̃ue dogmatis oppugnatorem, aut sani, verique assertorem non exhibet. Lustrate sacrae Parisiensis Facultatis monumenta: in eo totum fuisse LUDOVICUM comperietis, ut illam ab hoc veneno defenderet, putridaque ipsius membra rescinderet. Non satis tamen vindicandae Religioni adhuc esse consultum judicavit sapientissimus Princeps, nisi firmis adeo, tutisque praesidiis eam communisset, ut ne futuris quidem temporibus de florentissimo Statu convelli posset. Optime nimirum gnarus, Divinisque monitis edoctus, hominum mores tum sacrorum Pastorum vocibus, tum etiam Principum exemplis ad synceram Pietatem, formari, quis verbis assequi possit, qua opera, qua perspicacia, qua demum sollicitudine curaverit, ut ii duntaxat regendis

dis Ecclesiis præficerentur, qui studio nullius Novitatis abrepti, singulari doctrina, & vitæ integritate spectati essent; simulque tales sedula, piaque institutione Regios Principes effingeret, ut quæ ipse ad Fidei tutelam confecerat, facta illi tecta servarent.

Quare cum per singulas Regni sui Provincias pro vera Numinis Religione res tantas gesserit LUDOVICUS, quid unquam ei reliquum fuit, quo magis in ipsam studium, ac voluntatem suam posset ostendere? At quod vel ingenti plurimorum pietati satis esse videri potuisset, ei profectò non fuit. Noluit hisce licet amplissimis officii terminis incredibile, eximiumque erga Immortalem Deum obsequium suum contineri: superare jussit Galliarum fines, totumque terrarum Orbem percurrere. Hanc postremam regiæ laudis partem, etsi brevioribus verbis, ut me temporis angustia cogunt, nunc dicendam suscipio.

Quod

Quod si ad perdomandam impietatem, non comparatos exercitus, non prælia cum barbaris Nationibus commissa sum allaturus, (quamquam possem Cretensem, aliasque gloriosissimas expeditiones adducere) nolite quæso reputare Christianæ rei minus utilitatis accessisse LUDOVICI solertiâ, opibus, existimatione, quàm, eo medias inter acies fulminante, redundare potuisset. Scilicet haud raro Barbarorum mentes lenitate, ac mansuetudine faciliùs ad humanitatem, & Religionem flectuntur, quàm terrore, atque armis. Peragrate animis vestris quamcumque vultis terrarum partem; nullam reperietis, quò tanti Principis ope Fidei nostræ mysteria ad incultarum Gentium cognitionem deducta, vel honoribus ornata, vel liberiori cursu provecta non fuerint. Animum ad Europam convertitis? Græcia confestim occurrit, exhibetque nobis complures rectæ fatores doctrinæ

LUDOVICI ærario, ac patrocinio sustentatos ; quotquot ibi Romano Pontifici obtemperantes degunt, eos Regis auctoritate non modo ab hostium injuriis vindicatos, sed ita constitutos, ut perhonorifice habeantur, reliquisque civibus munimento, & tutelæ esse possint. Cuinam, verò accadat ignorare apud Heterodoxos Principes adeo LUDOVICUM gratiâ valuisse, ut mitius alibi cum nostris actum sit, alibi sacra munera obire non prohibiti ; & quum haud semel Catholicæ Urbes in Hæreticorum potestatem venerunt, an non eo curante veram summa cum libertate Fidem retinuerunt ? Cogitatis Americanas Insulas, illasque remotissimas oras propemodum naturæ ignotas ? In eas legavit, suis opibus aluit, ædibus non uno in loco donavit Euangelii Præcones : ibi Tempia construxit, ornavit Aras, sacrorum Rituum decori consuluit. Venit in mentem Africa ? Dedit Ægypto Sacerdotes,

dotes, qui aut schismate disjunctos cum Romana Ecclesia reconciliarent, aut superstitionem ex illis olim sanctissimis terris evellerent, aut difficilè herbescentem Religionis segetem diligenter educerent, ac propagarent. De revocanda ad Christi Ovile Æthiopia sæpius cogitavit; nec destitit rei gerendæ inire consilia. Tuneti, Juliæ Cæsareæ, per omnem Mauritaniam ejus metu permissum, ut Catholici in servitutem adducti liberiùs, ac tutiùs possint Apostolicam Fidem nullo Nationum discrimine profiteri. Si verò de Asia, immensoque illo terrarum spatio instituatur sermo, quî fieri potest, ut Oratione completamur, quàm longe, lateque per id locorum effuderit sese ingeniosa Christianissimi Regis pietas! Nam & ad sibi comparandam Sinarum Principis amicitiam, qua deinde ad Idolorum exitium uteretur, ad eum plures transmisit doctissimos Viros, ut ipsum, eamque gentem disciplinis

nis imbuerent, quibus exculti citius mentis oculos ad Christianæ veritatis lucem, aperirent. Et ne quidpiam ad sanctam, Legem tradendam, evulgandamque deesset, plerosque sacrorum peritos perenni opum largitate ibidem detinuit. Id quoque sibi missa ad Siami Regem Legatione proposuit (quod tunc sane feliciter accidit) ut debitus veræ Religioni cultus in ejus Regno augeretur: hunc magnis impensis in Persarum Provinciis stabilivit: hunc Syris, ac Maronitis, obstringendo sibi annua pensione primarios earum, Gentium Antistites, commendavit: hunc denique in omnibus Palæstinæ locis, ubi datæ hominum Generi salutis veneranda monumenta conspiciuntur, servavit. Meministis enim, quemadmodum erepta e sacræ Franciscanæ Familiæ manibus sacratissima Tempia, quæ ferox Ottomanus Græcis a Catholico ritu alienis custodienda tradiderat, LUDOVICI indu-

dustria, atque auctoritate ad Nostros veluti postliminio reducta fuerint; firmissimaeque simul lege sancitum, ne deinceps ab istis avulsa unquam in Schismaticorum manus concedant. Quid autem de illo dicam imperio, quo suis apud Barbaros Principes Legatis, suisque maritimarum rerum per ea loca Praefectis enixe praecipiebat, ut nihil tuenda Catholica Fide antiquius haberent, eamque ob rem obsecundarent monitis, & consiliis sacri hujus Coetus, cui propagandæ Fidei cura incumbit? Quæ cum tanta sit laus, non ego tamen maximam inter illas puto, quas sibi Rex præstantissimus in amplificanda Romana Religione promeruit. Palmam tribuo singulari illi sollicitudini, qua gravissimis impeditus negotiis, de hoc unice laborare videbatur, ut suo consilio, & auctoritate ubique gentium debitum Omnipotenti DEO obsequium exhiberetur. Hujusmodi semper

k ge-

gerebat curam hærentem animo : si qui e barbaris regionibus in Galliam se referrent Divini verbi propagatores , incredibili humanitate illos excipiebat : cum ipsis rationes inibat , quo pacto in dies magis , magisque hominum salutem provideretur : percunctabatur , num aliquas hujusce muneris partes sibi agendas relinquerent ?

His tandem Pietatis suæ monumentis cumulum imposuerunt sapientissimi animi sensus , quibus prope metam attingens , antea actæ vitæ studia confirmavit . Video vos statim cogitatione ferri vel ad admirabilem illam constantiam , qua gravissimum , acutissimumque morbum sic toleravit , ut in eo cum reliquarum virtutum , tum verò summæ fortitudinis insigne ad Posteritatem exemplum ediderit ; vel ad heroicam animi præstantiam , qua licet fractus viribus mirifica dicendi gravitate futuræ Regni felicitati prospexit . Verum quamvis ista maximæ
omni-

omnibus admirationi esse debeant, modò missa facio . Religionis in LUDOVICO laudem prosequor , cui suprema veluti persoluturus officia , quàm illustria voluntatis huic summæ virtuti penitus deditæ argumenta præbuit ! Dum enim cum ipsa morte conflictaretur , quàm multa sanctissime & dixit , & fecit ! Manent animo infixæ , manebuntque semper voces illæ , quibus constantissime affirmavit , se quidem satis vixisse , nec ab hac vita repugnantem divelli : dolere solum , quòd cum maximopere expetiisset , ut non prius vitâ excederet , quàm paucos Galliarum Antistites a reliquorum sui Ordinis Cœtu de recens edita Apostolica Constitutione dissidentes , ad saniora consilia revocatos vidisset , attamen voti compos non esset . Qui verò novissima decedentis verba excepere , compertum habent , quanto mentis ardore palàm professus fuerit , se per omnem vitæ cursum , Catholicam , Aposto-

Theodoret.
Hist. lib. 5.
c. 25.

stolicam , & Romanam Fidem unice coluisse , seque ingenti solatio morientem affici, quod ultimum in eadem Fide diem sibi claudere contingeret . Id unum, præclarissimis illis Viris , quos Maximo Nepoti instituendo præfecerat , commendavit, ut in primis Regium Puerum solam hanc Religionem colere, ac tueri docerent: scilicet non ignorabat eâ una virtute (ut Theodosii ad hæredes suos postremis verbis utar) *& pacem conservari , bellum extinguere , hostem in fugam verti , trophæa erigi , & victoriam denique constare .* Qualem itaque Catholici, incorruptique Dogmatis vindicem, atque propagatorem sibi pridem Ecclesia fuerat pollicita, quum LUDOVICUM Divino munere accepit, talem profectò experta est . Quid enim illi inter tot, ac tanta, aut Naturæ, aut Fortunæ, aut Virtutis ornamenta datum fuit , quod ad ipsum amplificandum, ornandumque sibi datum

datum esse , non fuerit arbitratus ? Quid sibi gloriæ , laudis , vel auctoritatis unquam peperit , quod Religionis utilitati non consecraverit ? Quòd si quis Constantino Magno LUDOVICUM veræ Fidei cultu , atque propagatione comparare velit , facilè quoque intelliget , hisce virtutibus , quibus eximius ille Imperator (Augustino docente) ad ingentem felicitatem pervenit , & hunc pervenisse . Siquidem vel LUDOVICO nihil ad summam prosperitatem defuisse dicemus , qui amor Populi , Regni salus , fuorumque temporum decus fuerit appellatus . Quapropter hoc uno , ni fallor , Ætas nostra non tam potest in omni genere laudis cum Antiquitate certare , quàm in multam apud omnem Posteritatem invidiam adduci . Tanto igitur Principis exemplo Mortales discant , optimum inter se coire posse fœdus studium Religionis , & Regni felicitatem , redditumque Numini obsequium .

cum Regia Majestate bene , ac luculenter
 componi . Quæ cum ita sint, reliquum est,
 ut DEUS Optimus Maximus in LUDOVICO
 XV. avita hæc decora nobis quàm
 diutissime servet . Crescat Rex incly-
 tus; augeatur sapientiâ Patris, lenitate
 Avi, Proavi gloriâ; iisque præstantissimis
 laudibus sic adolescat, ut, sapientissimo
 Galliarum Rectore adnitente, tum Impe-
 rii moderatione, cultuque bonarum Ar-
 tium, tum maximè studio Catholicæ Fi-
 dei tuendæ, & amplificandæ, optimi, &
 Christianissimi Regis formam exprimat,
 totumque LUDOVICUM XIV. perfe-
 ctissime repræsentet .



94B

18487

XXX

THE CENT. CENT. LIBRARY

